

Ք Ա Ղ Վ Ա Տ Ք

Հայաստանի Հանրապետության Արմավիրի մարզի Գրիբոյեդով համայնքի
ղեկավարի 2016 թվականի հուլիսի 11-ի ընդհանուր ժողովի
արձանագրությունից

Օրակարգ

*Հայաստանի Հանրապետության Արմավիրի մարզի Գրիբոյեդով համայնքի
ղեկավար Վահե Գրիգորյանի 2016 թվականի 1-ին կիսամյակում կատարված
աշխատանքների հաշվետվություն*

Ժողովին մասնակցում էին Արմավիրի մարզպետարանի
աշխատակազմի տեղական ինքնակառավարման և հանրապետական
գործադիրի մարմինների հարցերով վարչության հանրապետական գործադիր
մարմինների տարածքային ստորաբաժանումների գործունեության
համակարգման բաժնի պետ՝ Գևորգ Գևորգյանը, գյուղապետարանի և բուժ.
ամբուլատորիայի աշխատակիցները, ավագանու անդամները և համայնքի
թվով 43 բնակիչներ:

Համայնքի ղեկավարը ներկայացրեց 2016 թ-ի 1-ին կիսամյակում
կատարված աշխատանքները: Նշվեց, որ համայնքը սեփական
եկամուտների մասով կիսամյակային պլանը կատարել է 55.3 %-ով, հողի
հարկի մասով՝ 23.3%, գույքահարկի մասով՝ 86.1%:

Համայնքի բնակիչների ուշադրությունը հրավիրեց այն փաստին, որ
ինչպես խոստացվել էր քայլ առ քայլ բնակիչների հետ միասին, թեև փոքր
բայց հաստատուն քայլերով շարժվում ենք առաջ և լուծում տալիս համայնքի
խնդիրները: Հարկային պարտավորությունների թերացումը կապված է
եղանակային անկանխատեսելի փոփոխությունների հետ: Համայնքի
ղեկավարը հույս հայտնեց, որ մյուս կիսամյակի ընթացքում կջանանք մեր
առջև դրված հարկային պարտավորությունները կատարել, իհարկե համայնքի
բնակիչների անմիջական մասնակցությամբ չնայած կյանքի տնտեսական
իրավիճակի վատթարացմանը:

Իսկ համայնքի հիմնախնդիրների լուծման համար համայնքի ղեկավարը
ջանալու է գտնել ելքեր, հովանավորներ և միշտ տեղեկացնել
մարզպետարանում համայնքի հիմնախնդիրների մասին:

Համայնքի հիմնախնդիրները

1. Գյուղի կենտրոնական ասֆալտապատ ճանապարհի (M3 մայրուղին
M5 մայրուղուն միացնող) քարուքանդ և անմխիթար վիճակը:
2. Ոռոգման ջրի ցանցի կառուցումը:
3. Մշակույթի տան շենքի վերանորոգումը:



Արմավիրի մարզի Գրիբոյեդովի
գյուղական համայնքի ղեկավարի
կիսամյակային գործունեության հաշվետվություն
(2016թ-ի հունվար-հուլիս ամիսների)

1. Զաղաքացիների իրավունքների պաշտպանության բնագավառում

2016թ. հունվար-հուլիս ամիսների ընթացքում գյուղապետարան է դիմել համայնքի թվով 52 բնակիչ, որից 45-ը գրավոր, դիմումատուների հարցերին տրվել է լիարժեք պատասխան: Ստացվել է 133 գրություն և առաքվել է թվով 64 գրություն: Գյուղապետարանը նոտարական գրասենյակում, Ք.Կ.Ա.Գ.-ի բաժնում, անձնագրային բաժնում, կադաստրի տարածքային ստորաբաժնում միջնորդությամբ հանդես է եկել համայնքի բնակիչների օրինական շահերը պաշտպանելու նպատակով:

Կատարվել է համայնքապատկան հիմնարկներում ամենամյա գույքագրման աշխատանքներ:

Կայացել է համայնքի ավագանու 3 հերթական և 3 արտահերթ նիստ, որոնք ներկայացվել են մարզպետարան: Գյուղապետի կողմից կայացվել է տարբեր բնույթի 15 որոշումներ, որոնք նույնպես ներկայացվել են մարզպետարան:

Համայնքում կազմակերպվել է միջոցառումներ՝ Մարտի 8-ի, Ապրիլի 24-ի, Մայիսի 9-ի, դպրոցում վերջին զանգի, երեխաների պաշտպանության օրվա կապակցությամբ:

2. Ֆինանսների բնագավառում

Կազմվել և համայնքի ավագանու հաստատման է ներկայացվել համայնքի տարեկան բյուջեի նախագիծը, օրենքով սահմանված կարգով ապահովել և տնօրինել է համայնքի բյուջեի մուտքերը և նպատակային օգտագործումը: Հաշվետու ժամանակահատվածում հավաքագրվել և մուտքագրվել է գույքահարկի մասով 1 542 000 դրամ, հողի հարկի մասով 395 500 դրամ և վարձակալական հողի մասով 65 000 դրամ, տեղական վճար 5 000 դրամ, տեղական տուրք 60000 դրամ: Գյուղապետարանը աշխատակազմի աշխատակիցների աշխատավարձերի, սոց վճարների և եկամտահարկերի գծով հաշվետու ժամանակաշրջանում ոչ մի պարտք չունի:

3. Պաշտպանության բնագավառում

Գյուղապետարանը տարածքային զինկոմիսարիատից ստացած ծանուցագրերը ժամանակին հասցնում է հասցեատիրոջը և հետևում է, որ ժամանակին ներկայանան զինկոմիսարիատ: Ձին ծառայությունից խուսափողների քիվը հասցվել է նվազագույնի, ինչպես նաև աշխատանքներ է տարվում նախկինում զինծառայությունից խուսափողների հայտնաբերման և զինկոմիսարիատ ներկայացնելու գործում:

Աջակցվում և ուշադրության կենտրոնում են պահվում պատերազմի վետերանների սոցիալական խնդիրների լուծումը: Աշխատանքներ են տարվում երիտասարդության շրջանում ռազմահայրենասիրական դաստիարակության գործում:

4. Քաղաքաշինության և հողօգտագործման բնագավառում

Ամնիջական վերահսկողություն է սահմանվում համայնքի հողօգտագործողների նկատմամբ տարածքները նպատակային օգտագործման ուղղությամբ: Մասնագետների մասնակցությամբ տրվել է անվճար խորհրդատվություն բույսերի պաշտպանության հարցում:

5. Կոմունալ տնտեսության և բարեկարգման բնագավառում

Համայնքում կատարվում է ամենշաբաթյա կենցաղային աղբի տեղափոխում, որի համար կնքվել է ծառայությունների ձեռք բերման պայմանագիր /տարվա կտրվածքով/ 1 980 000 ՀՀ դրամ արժողությամբ:

Մշակույթի տան տանիքի մասնակի վերանորոգման համար ծախսվել է 523 700 ՀՀ դրամ:

Համայնքի Մաշտոցի և Սունդուկյան փողոցների խմելու ջրի պոմպի համար ծախսվել է 58 000 ՀՀ դրամ:

Համայնքի դաշտամիջյան ճանապարհները հատող ջրատար առվի խողովակների փոփոխման համար ծախսվել է 180 000 ՀՀ դրամ:

6. Տրանսպորտի բնագավառում

Գյուղապետարանի կողմից կատարվել է մասնակի ավագապատման և գյուղամիջյան ճանապարհների հարթեցման աշխատանքներ:

7. Առևտրի և սպասարկման բնագավառում

Հսկողություն է սահմանվել արագ փչացող սննդի և առևտրային կանոնների խախտման նկատմամբ, ինչի մասին պարբերաբար տեղեկատվություն է ներկայացվում մարզպետարան:

Բացառվել է փողոցային վառելանյութի վաճառքը:

8. Կրթության, մշակույթի և երիտասարդության հետ տարվող աշխատանքների բնագավառում

Գյուղապետարանը համայնքի ավագանու որոշմամբ համայնքի ուսանողներին որպես ուսման վարձի աջակցություն և ճանապարհածախս տրամադրել է 110 000 ՀՀ դրամ:

Կանանց և մայրության տոնի կապակցությամբ գյուղապետարանի աշխատակազմի աշխատող կանանց նվերներ գնելու համար հատկացվել 75 000 ՀՀ դրամ:

Մայրության տոնի կապակցությամբ Գրիբոյեդով համայնքի պարտադիր զինվորական ծառայության մեջ գտնվող զինակոչիկների մայրերին շնորհավորելու և նվերներ գնելու համար հատկացվել է 32 000 ՀՀ դրամ:

Համայնքի ծերերի ազատ ժամանցը կազմակերպելու համար գնվել է խաղազույք 66 000 ՀՀ դրամ արժողությամբ:

Համայնքի մանկապարտեզի ֆինանսավորման համար հատկացվել է 4 048 000 ՀՀ դրամ:

Եղեռնին նվիրված հիշատակի միջոցառման կազմակերպման համար հատկացվել է 70 000 ՀՀ դրամ:

Հաղթանակի տոնի կապակցությամբ կազմակերպվել է հիշատակի տոն, որի համար հատկացվել է 109 500 դրամ:

Դպրոցն ավարտելու կապակցությամբ գյուղապետարանի կողմից շրջանավարտներին նվերներ գնելու համար հատկացվել է 92 500 դրամ:

9. Առողջապահության, ֆիզիկական կուլտուրայի, սպորտի և սոցիալական ծառայության բնագավառում

Բուժ. անձնակազմի և գյուղապետարանի մասնակցությամբ հսկողություն է սահմանվել խմելաջրի վթարների, խորքային հորերի քլորացման և կենցաղային աղբի հեռացման հարցում: Համաճարակների կանխարգելման

նպատակով կատարվում է ամենօրյա բակայցեր և տարվում է բացատրական աշխատանքներ: Համայնքում հրավիրվում են բժիշկ - մասնագետներ ազգաբնակչությանը ստուգելու, համապատասխան անվճար բուժումներ և խորհուրդներ տալու նպատակով:

Սոցիալապես 27 անապահով ընտանիքներին տրվել է 754 000 ՀՀ դրամ որպես օգնություն:

10. Գյուղատնտեսության բնագավառում

Տարածքային վիճակագրական վարչություն է ներկայացվել հունիսյան ցանքաշրջանառության, ամսական հաշվետվություն ցանքաշրջանառության, ինչպես նաև պտղատու և խաղողի այգիների ստացված բերքի, առկա գյուղտնտեսական վերաբերյալ հաշվետվություններ:

Համայնքում համաձայն գրաֆիկի կազմակերպվում է անասունների և թռչունների հակահամաճարակային պատվաստումներ:

Հիմնախնդիրներ

1. Գյուղի կենտրոնական ասֆալտապատ ճանապարհի՝ (M3 մայրուղին M5 մայրուղուն միացնող) քարուքանդ և անմխիթար վիճակը:
2. Ոռոգման ցանցի կառուցում:
3. Մշակույթի տան շենքի վերանորոգումը:

ԳՐԻԲՈՅԵՂՈՎ
ՀԱՍՆՅՆՔԻ ՂԵԿԱՎԱՐ

« 11 » հուլիս 2016թ.



Վ. ԳՐԻԳՈՐՅԱՆ